



ЛЕЗГИ Газет

**Жуван Ватан, ватанэгълияр,
дидед чIал хуьх!**

**12-июнь -
Россиядин
Югъ**



Гьурметлу дагъустанвияр ва республикадин мугьманар!
12-июндиз Махачкъалада, Аваррин театрдин вилик квай майдандал Россиядин йикъан сувариз талукъарнавай вириреспубликадин митинг-концерт кыле фида.
Концертда Дагъустандин эстрададин гьетери иштиракда.
Мярекат нянин сятдин 4-даз башламыш жеда.

1920 – йисалай акъатзава

№ 23 (10720) хемис 9 – июнь, 2016 – йис WWW.LEZGIGAZET.RU

Къимет “Дагпечатдин” киоскрай - 10 манат

Ватанпересвилин чешне



Дашдемир ШЕРИФАЛИЕВ

1-июндиз Ахцегъа халкъдин яшайиш патал еке метлеб авай вакъиа кыле фена. Жегилрин “Самур” тIвар алай комплексда агъалийриз медицинадин рекъай къуллугъдай “Самур” центр ачухна. Дагъустандин гъич са райондани вичив гекъигиз жедайди авачир и зурба комплекс (адак банкетрин, спортдин, ял ядай залар, ресторан, мугьманхана, поликлиника, суьрсет гъасилдай куьмекчи майишатар акатзава) вичин хсуси такъатрихъ луткунви карчи Жигерхан Сулейманова эцигна.

Чими ийидай, гъава михъдай надир къурулушралди ва медицинадин техникадалди тадаракламышнавай къве мертебадин и гуьзел дарамат райондин дамах я. Ам ачухунин шадвили митингда РД-дин Гьукуматдин Председателдин заместитель ва экономикадин министр Раудин Юсуфова, республикадин Халкъдин Собранидин депутат Владимир Ашурбегова, Ахцегъ, Докъузпара, Рутул районрин регьберри, “Самур” комплексдин коллективди, мугьманри ва прессадин векилри иштиракна.

Дараматдин вилик зурне-далдамдин иеси, мергьяматлу инсан Сулейманов Жигерхан Девлетханович кылеваз медцентрадин коллективди къабулна.

- Гьурметлу мугьманар, районэгълияр! Къе чна Ахцегъ райондин тарихдин цийи чин ачухзава: Къакарин хуьре 50 аялдин чка авай типовой цийи бахча ишлемишиз вахканва, гила Ахцегъ райондин, Самур дередин агъалияр патал медицинадин “Самур” комплекс ачухзава. Халкъдиз ихътин багъа савкъат багъишунай заз райондин руководстводин, депутатрин ва вири районэгълийрин патай чи зурба ватанперес Жигерхан Сулеймановаз риклин сидкъидай чухсагъул лугъуз кIанзава, - ихътин тебрикдин гафаралди шадвили мярекат Ахцегъ муниципалитетдин къил Осман Абдулкеримова ачухна.

- Дагълух ватанда жемят патал ихътин зурба дараматар хкажзавай, инсанрин сагъламвал патал вичин вири такъатар серфзавай къегъал хва Жигерхан Девлетхановичал чна гъахълудаказ дамахзава. Ихътин ватанперес кас гьукуматдин патай чIехи награда гуниз лайихлу я. Маса карчийризи за гъадалай чешне къачун теклифзава. Жигерхан хътин

хва тербияламышай диде-бубадиз гуьмбет эцигун лазим я. Медицинадин и центр куьне лап хъсан медтехникадалди тадаракламышдайдахъ ва ина вини дережадин пешекарри кIвалахдайдахъ зун инанмиш я, - къейдна вичин рахунра Раудин Юсуфова.

Чахъ Жигерхан Сулейманов хътин къегъал хва хъунал за дамахзава. Хайи халкъдиз къуллугъунин карда ада чаз вирибуруз ватанпересвилин чешне къалурзава, - лагъана карчи, РД-дин Халкъдин Собранидин депутат Владимир Ашурбегова.

Микрофондихъай тебрикдин хуш келимаяр Докъузпара райондин регьбер Керимхан Абасова, Рутул райондин къил Давуд Сулейманова ва масабуру лагъана. Ахпа Жигерхан Сулеймановани Осман Абдулкеримова медицинадин “Самур” центр ачухунин лишанлу лент атIайдалай къулухъ духтур Гуьлнара Магъмудовади мярекатдин иштиракчийр медицинадин центрадин кабинетрихъ ва анра кIвалахзавай пешекаррихъ галаз танишарна. Гуьгъуьнлай Жигерхан Сулейманова мярекатдин вири иштиракчийриз ресторандиз теклифна. Ял язавайбурун гуьгъуьлар музыкадин коллективди шадарна.

Тебрикар

Гьурметлу дагъустанвияр!

За квез вири мусурманар патал пакди тир Рамазандин варз алуькун мубаракзава!

Рамазан - им сивер хуьдай ва ибадат ийидай, инанмишвалдай, гунагърикай михъи жедай, фикир-хиял ийидай ва руьгъдин ивиррихъ къекъеведай варз я. Ибаркаван йикъара Къуръан агакъарна. Адал чпин дъузгуьн нятрикай фикирдайла ва къени крада мусурманри кIевелай амал ийизвайди я.

Зун инанмиш тирвал, и пак вацра къетIен жуьреда кечирмишдай йикъари гъакъикъатдани имандал алай вири динэгълияр руьгъдин жигъетдай хкаж хъуниз ва цийи хъхъуниз, гзаф миллетрин векилрикай ибарат чи республикада асиррин тарих авай диндинни медениятдин адетар мягъкем хъуниз къуллугъда.

Къуй и баркаван вацра куь хийир-дуьайрин ван хъурай, Халикъди гъар са кIвализ динжвал ва генгвал гъурай!

Заз вири дагъустанвийрихъ мягъкем сагъламвал, ислягъвал ва хушбахтвал хъана кIанзава.

**Дагъустан Республикадин
Къил РАБДУЛАТИПОВ**
* * *

За республикадин агъалияр яшайишдин жигъетдай хуьдай работникрин, и хиле ветеранриз пешекарвилин сувар - Социальный работникрин югъ - риклин сидкъидай мубаракзава.

Социальный работник - им масабурун дердийри в кайгъударвилелди эгъчIзавай, рикI ачух ва къени кас я. Социальный работникдин пеше муракаб, амма обществодиз чарасуз герек пеше я. Ада хъсан чирвилер аваз хъун, къетIен гъалара къуватар желб ийиз алакун, руьгъдин къетIен жуьредин ерияр аваз хъун истемешзава.

Куьн кардин гъавурда аваз хъунлай, куь тежрибадилай, хъянавай пешедиз куь вафалувилелай, куь гъар гъи декъикада хъайитIани масадаз куьмек гуз гъазурвилелай, куь асант тушир, амма обществодиз гъакъван герек тир зегъметдилай чи ватандашрин яшайишдин ери хейлин дережада аслу я. Куьне дердидикай хабар куьни инсанриз пакадин йикъахъ инанмишвалдай мумкинвал, уьмуьрда ацалтзавай имтигъанрай экъечIдай къуватар гузва.

Заз квехъ Дагъустандин ва чи чIехи Ватан тир Россиядин абадвал патал тухузвай кIвалахда гележегдани агалкунар хъана кIанзава.

**Дагъустан Республикадин
Къил РАБДУЛАТИПОВ**



МЕДЕНИЯТ

3-июндиз Дербент шегъердин Нарын-къеледин вилик квай майдандал “Дагъвияр” фестивалдин сергъятра аваз пагъливанрин сувар, “Мани лагъ, ашукъ” фестивал ва “Дагларин йисан адетар” халкъдин искусстводин концерт кыле фена.

▶ 6



ХАБАРАР

Вини дережада аваз кыле фейи и суварин тешкилатчийр Санкт-Петербургдадин миллетрин арада алакъайрин ва миграциядин политика уьмуьрдиз куьчурмишунин комитет, миллетринни культурайрин тешкилатар ва Невадал алай шегъердин землячество тир.

▶ 21



“Дагъвияр” международный VII фестиваль

Итижлу мярекат

Рагнеда РАМАЛДАНОВА

Алатай гьафте Дагъустандин культурадин умуьурда итижлу вакъиайралди девлетлуди хъана. ИкI, 1-6-июндиз Дагъларин уьлкведа фольклординни адетдин культурадин международный “Дагъвияр” VII фестивалдин сад лагъай паюнин сергьятра аваз са жерге мярекатар кыле тухвана. Меркездин ва адак акатзавай посёлокрин, Дербентдин, Избербашдин, Хунзах, Леваша районрин агъалийриз неинки чи республикадин (саки 40-далай виниз коллективри иштиракна), гъатта Шри-Ланкадай, Словакиядай, Мексикадай атанвай мугъманрин ансамблихъ галаз таниш жедай, къецепатан уьлквейрин яратмишунардай коллективрин устадвиллиз къимет гудай мумкинвални хъана. ЮНЕСКО-дин къаюмвиллик кваз, “Россиядин культура (2012-2018-йисар)” федеральный махсус программадин сергьятра аваз, РД-дин Кьил Р. Абдулатипован куьмекдалди кыле тухвай и фестивал цIи Дагъларин йисаз талукъарнавай. Фестивалдин иштиракчийри дагъустанвийриз лап гурьчег ва яргъалди риклера амуькъдай сувар багъишна.



Къейд авун лазим я хьи, фестивалдин программа художественный ва яратмишунрин рекъий жуьреба-жуьре жанрайрин са шумуд проектдикай - “Лагъ мани, ашукъ”, “Гъвечли дагъвияр” фестивалрикай, “Халкъдин парталрин сувар” дефиледикай, “Дагъустандин булахар”, “Къугъугъ, руьгъ!” конкурсрикай, фольклордин параддикай, этновыставкайрикай, конференцияйрикай, халкъарин культурайриз ва адетриз талукъ видеофильмар кьалурункай, фестиваль ачухуниз ва агалуниз талукъарнавай гала-концертрикай ибарат тир.

1-ИЮНДИЗ меркезда, шииратдин Театрдин гъаятда, ачух чкадал М.-А. Жемалан тварунихъ галай Дагъустандин художественный училищедин 1-курсунин студентри живописдин эсерар кьбиниз талукъарнавай конкурс кыле фена. Тебии экъуналди эскизар арадал гъун (пленэр) училищедин студентар патал келунин йисан нетижаяр къадай тарсуниз элкъвена. И жуьреди чирвилерин ери ва деринвал ахтармишдай, рехъ гузвай гъалатлар дуззар хъийидай мумкинвал гузва.

2-ИЮНЬ. Махачкъала. Урусрин М.Горькийдин тварунихъ галай драмтеатрдин члехи зал сиве-сивди инсанрив ацанвай. “Дагъустанди мугъманар къаршиламишзава” твар алаз и юкъуз фестиваль ачухуниз талукъарнавай шад мярекат кыле фена. Ана (гуьгъуьнлай фестиваль агалуниз талукъарнавай шад мярекатдани) Мексикадай тир “Алианза”, Словакиядай атанвай “Омладина”, Шри-Ланкадай тир “Ранранга” фольклордин коллективри, чи республикадай лагъайтIа, Ахцегъ, Акуша, Ботлих, Къули, Буйнакский, Гергебил, Шамилский, Хасавюрт районрин фольклордин, музалатрин, вокалдин, хореографиядин ансамбли, Республикадин халкъдин яратмишунрин квалдин (РДНТ) “Волна” твар алай урус

манийрин хорди, Махачкъала, Къизляр шегъерин, Къумторкъала, Хасавюрт районрин аялрин фольклордин коллективри, “Поющая Чарода” (Чарода район) хорди, “Каспий” твар алай Дагъустандин къуьлерин ансамблди ва ногъай халкъдин фольклординни этнографиядин “Айланай” ансамблди (ва икI мад) тамашачийрин гуьгъуьлар ачухарна. Гъар са нумрадилай къулухъ абуру яргъалди язавай гурлу капарини и кардин гъакъиндай шагъидвалзавай. Фестивалдиз санлай хизанар галаз, аялар гъаз атанвай ксарин къадар гъаф тир.



Дагъустан Республикадин Кьил Рамазан Абдулатипован тварунихъай фестивалдин мугъманрин, иштиракчийрин ва тамашачийрин тварарихъ хуш келимаяр РД-дин Гьукуматдин Председателдин Сад лагъай заместитель **Анатолий КЪАРИБОВА** лагъана. Ада фестиваль неинки са культурадин, гъакIни этнотуризмдин хилени важибпу проектрикай сад тирди къейдна. “Дагъвияр” фестивалдик еке умудар кутунвайдал, Дагъустандин твар хъсан патахъай машгъур авунал, яратмишунрин диалогдин куьмекдалди халкъарин арада дуствилин алакъаяр мягъкемарунал гъалтайлани международный фестивалди еке роль къугъвазвайди къейдна.

Фестивалдин иштиракчийрин тварунихъ РФ-дин Президентдин культурадин рекъий советник **Владимир ТОЛСТОЯ**, ЮНЕСКО-дин крарай Россиядин Федерациядин Секретарь **Григорий ОРДЖОНИКИДЗЕДИ**, ГРДНТ-дин директор, культурадин материальный тушир ирс хуьнин рекъий Россиядин Комитетдин Председатель **Тамара ПУРТОВАДИ** рекъе тунвай хуш келимаяр къвенвай телер келна. Абура “Дагъвияр” фестиваль Россиядин культурадин хиле лишанлу вакъиа тирди къейднавай. Т.Пуртовади и жуьредин фестиваль Кеферпатан Кавказда авай сад тирдал, Дагъустан Республикани ам кыле тухудай чка яз хкъагъун дуьшуьшдин кар туширдал фикир желбнавай. “Дагъустан гъаф миллетар ва гъаф конфессияр авай регион я, ам пара къетIен куль-

турадин адетралдини фольклордин девлетлу ирсиналди, халкъдин художественный сеняквилерин ва устарвилерин пешейралди машгъур я. Фестивалди жуьреба-жуьре фикирар авай ва культурадин рекъий жуьреба-жуьре адетрал амалзавай инсанриз саналди яратмишдай ва дуствилин алакъаяр мягъкемардай мумкинвал гузва”, - кхъенвай адан чарче.

ГЪА И ЮКЪУЗ Махачкъалада, Урусрин драмтеатрдин гъвечли залда, “Къугъугъ, руьгъ!” конкурсни кыле фена. Ана Махачкъала ва Дербент шегъеррай, Ахцегъ, Лак, Леваша, Сергокъала, Тлярата районрай тир, гъакIни Словакиядай, Мексикадай ва Шри-Ланкадай атанвай мугъманрини чпин алакъунар кьалуруна. Конкурсдин иштиракчийри Дагъустандин ва Кавказдин, мугъманри ланкийвийрин милли макъамар, сингал чIалалди маниар (ва икI мад) тамарна. Конкурсдин жуьридик (РД-дин искусствойрин ва культурадин лайихлу деятелар квай) гъалиб хъайи ксар тайинарун четин акъвазнавай, гъикI лагъайтIа, иштиракчийрин устадвал тариф авуниз лайихлу тир.

5-ИЮНДИЗ “Россия - зи Ватан” твар алаз кыле феи фестиваль агалуниз талукъарнавай Гала-концерт иллаки гурлуди хъана. М.Горькийдин тварунихъ галай театрдин члехи залда кIвач эцигдай чка авачир. Тамашачийрин арада РД-дин Гьукуматдин Председателдин Сад лагъай заместитель **Анатолий КЪАРИБОВ**, РД-дин культурадин министр **Зарема БУТАЕВА** ва республикадин вилик-кылик квай къуллугърал алай гъаф ксар авай. Концертда члехибурун ва аялрин фольклордин, хореографиядин, вокалдин, “Эхо гор”, “Тлярата”, “Темир-Хан-Шура”, “Авадан”, “Хазар”, “Акаро”, “Дараччи” ва маса ансамблрин иштиракчийри чпин устадвал кьалуруна. Мугъманарни къулухъ акъвазнавачир: абуруни чеб векилар тир халкъарин культурайрихъ ва адетрихъ галаз танишарзавай, сегъне гъам яваш, гъамни тунт къуьлерни макъамар тамарарзавайбурун ихтиярда авай. Дагъустандин тамашачийри Шри-Ланкадай атанвай “Ранранга” (руководитель Тенакоон Сунил Даянанда), Словакиядай тир “Омладина” ансамблрин векилар гъаф гуььрметдивди къаршиламишзавай. Мексикадай тир фольклордин “Алианза” ансамблдин векилриз тамашачийри иллаки гурлу капар яна. Икъван чIавалди телевизордай Мексикадин сериалрай таниш тир ксар меркезда сегънедал акун, дугъриданни, Дагъустандин тамашачийриз хуш хъанвай. “Дагъвияр” фестиваль вичин мурад-метлебдив агакъна.

6-ИЮНДИЗ “Дагъвияр” международный фестивалдин иштиракчийр Зарема Бутаевади къабулна, абурув грамотаяр ва дипломар вахкана.



Хуьрерин жегъилрин форум

Муайзат АБДУЛАЕВА

2-июндиз Республикадин сагъламарунин ва образованидин “Солнечный берег” центрада “Россиядин хуьрерин жегъилрин союз” твар алай тешкилатдин Дагъустандин отделениди дагъви жегъилрин форум тешкилна. Мярекат РД-дин жегъилрин краин рекъий министр **Арсен ГЪАЖИЕВА** ачухна.



Форумдин иштиракчийр

- СКФО-дин хуьрерин жегъилрин форум тухун чун патал хъсан адетдиз элкъвенва. И карда заз “Россиядин хуьрерин жегъилрин союз” тешкилатди ийизвай кIвалах къейд ийиз кIанзава. Абурун кIвалах хуьрер вилик тухунихъ, и кардал жегъилар желб авунихъ элкъуьрнава. Чна, жегъилрин краин министерстводи, абуруз вири жуьредин куьмекар гуда, - лагъана министрди.



Арсен Гъажиев

Дагъустандин милли политикадин министрстводин отделдин начальник **Бахтияр МАГЪМУДОВА** къейдайвал, жегъилар патал форумар тешкилуни республикадин гуьндурвиллиз хъсан патахъай таъсирзава, алава яз, абуру жегъилриз обществодинни политикадин месэлайрай кыл акъудиз куьмекзава.

- Ихътин жуьредин мярекатар чи республикада кыле физ сад лагъай сефер туш ва за и кардал дамахзава. Ина жегъилри тежриба къачузва. Зун инанмиш я, и форумдин иштиракчийри чи республикадин агропромышленный хел великди тухуник чпин еке пай кутада, - давамарна РД-дин милли политикадин министрстводин векилди.



Камил Саидов

Форум ачухунин шад мярекатдал Махачкъаладин администрациядин спортдин, туризмдин ва жегъилрин краин рекъий комитетдин председатель **Карина ИМРАНОВА**, “Россиядин хуьрерин жегъилрин союз” тешкилатдин исполнительный директор **Дмитрий Пекуревский** ва масабурни рахана. Д.Пекуревскийди и форум тешкилиз куьмек гайибуруз сагърай лагъана ва жегъилрин союздин Дагъустандин отделение уьлкведа активнибурукай сад тирди лагъана.

Мярекатдин эхирдай “Россиядин хуьрерин жегъилрин союздин” Дагъустандин отделенидин кыле авайди тир **Камил САИДОВА** хуьрер вилик тухунин карда и форумди жегъилриз цийи фикирар гъидайдак ва абуру кылиз акъуддай мумкинвилерни хъуник умудар кутуна.



“Дагъвияр” фестиваль Дербентда

Къагъриман ИБРАГЪИМОВ

3-июндиз Дербент шегъердин Нарын-къеледин вилик квай майдандал “Дагъвияр” фестивалдин сергъятра аваз пагъливанрин сувар, “Мани лагъ, ашукъ” фестивал ва “Дагъларин йисан адетар” халкъдин искусстводин концерт кыле фена.



Дагъустанда пагъливанрин искусстводиз гъамиша зурба къимет гайиди я. Адан итижлувал генани хкаж жезва. Гъар йисуз республикада адаз талукъ тир мярекатар тухузва. Дербентда пагъливанрин сувар сад лагъай сеферда кыле фена. И суварик Дагъустан Республикадин лайихлу артист Камил Къурбанова регъбервал гузвай Дагъустандин Огни шегъердин циркнин искусстводин школада, Мегъарамдхуьруьн райондин халкъдин “Гъунар” циркнин коллективди, Къули, Къайтагъ районрин пагъливанрин дестейри ва Махачкъала шегъердин цирковой студияди иштиракна. Абуру симинилай финин искусство, акробатикадин уюнар, зурнединни далдамрин авазрикди симинал къуьлер авунин устадвал къалурна. Тамашачийриз абурун алакунар пара бегенмиш хъана ва гурлу капар ягъуналди пагъливанрин гъевес генани хкажна.

Пагъливанрин гуьгъуьналлаз сегънедиз ашукъар экъечна. Ашукъар Къиблепатан Дагъустанда вири халкъарихъ ава. Лезги халкъдин ашукърин искусство лап къадимди я. Абурун жергеда Ашукъ



Саид, Ашукъ Лукъман, Мазан Къемер..., чи девирдин ашукъар: Нуьсрет, Саки, Абдуллагъ, Абдул, Абдурагъман, Осман, Айдын, Шемшир, Адил, Алихан, Рубаба ва масабур ава. Виликрай ашукърин арада гуьжетар финин мярекатарни жедай. Адет хъанвайвал, гъа гуьжетра магълуб хъайида вачин чуьнгур гъалибчидиз савкъат яз тадай.

“Дагъвияр” международный фестивалдин проектдик квай “Мани лагъ, ашукъ” мярекатди ашукърин акъажунрин къадим адетар давамарда.

Ашукърин суварин мярекатда Ахцегъ райондай атанвай “Шарвили” твар алай ашукърин халкъдин ансамблди, жегъил ашукъар тир дербентви Рамазан Ризаева, Мегъарамдхуьряй Азим

Мегъамедова, Сулейман-Стальский райондай Расул Абдулкебирова, Омар Меликова ва масабур иштиракна. Гъар са ашукъди вичи тамамарай нумрада чуьнгурдилай гъейри балабан, чагъан ва тафт ишлемишна. Абуру неинки чпин мани тамамарунин къайдадалди, гъакни пек-парталдалдини (садбурал халис милли парталар, кыилел баплах алай, мукъубурал ваъ) тафават-

лу хъана. Тамашачийриз ашукъри лагъай манияр, абурун чуьнгурдал къугъунин устадвал гзаф хуш хъана.

Халкъдин искусстводин “Дагъларин йисан адетар” концерт дагъвийрин адетар, культура хуьнин ва виликди тухунин лишандик кваз кыле фена. Ада Къиблепатан Дагъустандин халкъарин фольклордин жуьреба-жуьревал къалурна.

Концертда Дербентдин музучилищедин халкъдин алатрин оркестрди, “Къурагърин дагълар” (Къурагъ район), “Терекеме” (Дербент район) халкъдин фольклордин ансамблри, Рутул, Хив, Табасаран, Агъул районрин фольклордин къватнавай коллективри ва Дербентда кардик квай къуьлерин “Каспий” госансамблди иштиракна. Абуру тамашачияр неинки къуьлерни манияр тамамарналди, гъакни мехъерин, аял къеплина тунин, свасце лугъунин адетар къалуруналдини гъейранарна.

Ина Мексикадай, Словакиядай, Шри-Ланкадай атанвай халкъдин яратмишунрин устадрини чпин алакунар къалурна. Абурун къуьлерин туьтвили, манийрин везинри, милли парталрин гуьрчег-

вили, музыкадин алатрин ванци, гъелбетда, тамашачийрин итиж чпелди чуьгуна. Кылди къачуртди, Шри-Ланкадин “Ранранга”, Словакиядин фольклордин “Омландина”, Мексикадин фольклордин “Алианза” ансамблрин къуьлерни, маниярни дикъет гуниз лайихлубур тир. “Алианза” ансамблрин дестедик квай 13-25 йис хъанвай жегъилривай Мексикадин халкъдин къилихриз талукъ рангар манийралдини къуьлералди ачухариз алакна. Абуруз и карда халисан мексиканвийрин милли парталрини, гъелбетда, куьмек гана.

“Дагъвияр” жуван халкъдин культура хуьнин ва маса халкъарин культурайрин арада вичин лайихлу чка къунин бине я.

Москвада - “Сесинин алем” Устадвал къалурна

Рагнеда РАМАЛДАНОВА

Са тимили йикъар идалай вилик Москвадин П.И.Чайковскийдин тварунихъ галай консерваториядин Рахманинован залда “Сесинин алем” твар алаз музыкадин международный XIV фестивал кыле фена. Адан сергъятра аваз дуьньядин жуьреба-жуьре регионрин классикадин ва адетдин музыкадин концертар, театрдин жуьреда туькьурнавай сегънеяр къалурна, выставкаяр тешкилна, дуьньядин машгъур ксарин регъбервилик кваз жуьреба-жуьре музалатрал къугъунай тарсар гана. Шадвилелди а кардик хабар гуз кланзава хъи, еке ва девлетлу тарих авай Рахманинован залда чпин устадвал къалурайбурун жергеда чи ватандашарни авай.

АЛАВА КЪЕЙД.

Музыкадин международный фестиваль 2013-йисалай инихъ гъар йисуз кыле тухузва. Адан макъсад жегъилар ва общественностдин геьенш къатар жуьреба-жуьре уьлквейрин авазрихъ, музыкадихъ, адетрихъ ва музыкадин хиле къачунвай илимдин камарихъ галаз танишарун я. Алатнавай йисара дуьньядин музыкадин алемда машгъур вишералди ксар фестивалдин иштиракчияр хъана.



Шамил Шерифалиев

Дагъустан Республикадин Къил Рамазан Абдулатипован, РД-дин культурадин министерстводин ва Россиядин Президентдин патав гвай Дагъустандин Гъамишалуьг векилхандин куьмекни галаз и фестивалда Дагъустандин Т.Мурадован тварунихъ галай госфилармониядин артистрини иштиракна. Абуру “Дагъустан - кланвал зи эбеди. Къадим дагъларин ва рехи Каспийдин мани” твар алаз гайи концертдик Дагъларин уьлкведин композиторрин эсерар ва фольклордин манияр квай. Адан программа гъазурайди музыкавед, Даггосфилармониядин художественный руководитель Ирина Нахтигаль тир.



Эльмар Шерифалиев

Фестивалдин тешкилатчияр чи республикадин иштиракчийрин программадилай, тамамарай манийрин еридилай ва концерт тешкилнавай къайдадилай гзаф рази яз амукна.

Дагъустандин академический музыкадин культурадихъ галаз Россиядин лайихлу артистка, пианистка Зарифа Абдуллаевади, Дагъустандин халкъдин артистка Светлана Мусаевади, международный ва Россиядин конкурсрин лауреат Шамил ШЕРИФАЛИЕВА (тар) танишарна. Халкъдин музалатрал къугъвай Башир Багъавдинова (агъач-къумуз) ва Вирироссиядин конкурсдин дипломант Эльмар ШЕРИФАЛИЕВА (чагъан) чпин устадвилелди, хъянавай репертуардалди тамашачийриз риклелай тефидай декъикъаяр багъишна. Абуру, фольклордин манийрилай гъейри, Мегъамед Гуьсейинован “Лезгийрин рапсодия”, Мурад Къажлаеван “Дагъустандин альбомдай” пьесаляр, Расул Гъамзатован “Муидин манияр” чалариз Ширвани Чалаева туькьурнавай ва маса манияр тамамарна.

Къетлендаказ къейд авун лазим я хъи, Дагъустандин милли чалари, гзаф эсер кваз санал мани тамамаруни, эсерин везинлувили, музалатрин тембрдин жуьреба-жуьрвили, къилинди, “чан алай сесини” Дагъларин уьлкведин пешекар композиторрин манияр къват хъанвайбуруз пара кланарнавай. Абуру чи артистар хушвилелди, гурлу капар ягъуналди къабулна. Залда ацукнавайбуру чи устадрин алакунри чеб гъейранарнавайди абурун тварарихъ хуш келимаяр лугъуналди къалурна.

И мукъвара чаз и фестивалда чпин устадвал къалурай чи ватандашар, чпин ери-бине Ахцегъай тир стхяяр Шамил ва Эльмар Шерифалиеврихъ галаз гуьрушмиш жедай мумкинвал хъана. Малум хъайивал, стхайри Ахцегъа 1-нумрадин юкван школада клелна. Къведани музшколадани чирвилер къачуна, халкъдин музалатрал къугъунай чпин устадвал хкажна. Гуьгъуьнлай Шамил ва Эльмар Шерифалиеври Махачкъаладин Г.Гъасанован тварунихъ галай музучилищеда, Даггосуниверситетда клелна. Икван члавалдини абуру чпин алакунар, республикада хъыз, ададай къеъени са шумудра къалурнавай. Ик, Шамил Шерифалиев Калугада, Элистада, Нальчикда, Дондал алай Ростовда, Москвада кыле фейи са жерге фестивалрин иштиракчи я. Адакай Калугада “Звонкогосая юность России” лишандик кваз Н.П.Осипован тварунихъ галай жегъилрин, гъакни халкъдин музалатрал къугъунай Махачкъалада кыле тухвай Вирироссиядин IV ва V ачух конкурсрин, Симферополда “KrimAcco-2013” твар алаз тешкилай международный конкурсдин, международный музыкадин проектдин лауреат хъана.

Алай вахтунда Шамила Нальчикда авай Кеферпатан Кавказдин искусствойрин госинститутда клелзава ва Дагъустан Республикадин халкъарин музалатрин госансамблда зегъмет чуьгузавва. Эльмар Шерифалиев Махачкъалада музыкадин ва искусствойрин школайрин муаллим я.

Алай вахтунда Шамила Нальчикда авай Кеферпатан Кавказдин искусствойрин госинститутда клелзава ва Дагъустан Республикадин халкъарин музалатрин госансамблда зегъмет чуьгузавва. Эльмар Шерифалиев Махачкъалада музыкадин ва искусствойрин школайрин муаллим я.

понедельник, 13 июня

ТВ ДАГЕСТАН

РГВК
07.00 Время новостей Дагестана. Итоги
07.40 Передача на лезгинском языке «Вахтар ва инсанар» 12+

19.50 Х/ф «Шамиль. Рай под тенью сабель» 12+
21.10 «Золотой мустанг» 12+
21.50 «Кунацкая» 12+



СВАТЫ 3

ПЕРВЫЙ

6.00 Новости.
6.10 Х/ф «Молодые».
8.00 Х/ф «Очная ставка».
9.40 «Непугуевы заметки» (12+).

РОССИЯ 1

5.40 Х/ф «Не отрекаются любя...» (12+).
9.20 Т/с «Сваты». (12+).
14.00 «Вести». (12+).

НТВ

14.45 Х/ф «Принцесса на бобах». (12+).
16.20 Х/ф «Только не отпущай меня». (16+).

ЗВЕЗДА

6.00 М/ф.
7.00 Х/ф «На златом крыльце сидели...»
8.25 Т/с «Законцованный участок» (12+).



ИНДИЯ

0.10 Комедия «Переключая каналы». (16+).
3.00 «Секреты индийской кухни». (12+).

13.35 «Любо, братцы, люблю...»
14.35 Спектакль «Ревизор».

вторник, 14 июня

ТВ ДАГЕСТАН

РОССИЯ
8.05-08.08 Вести-Дагестан
08.36-08.41 Вести-Дагестан
09.00 Канал национального вещания «Шолтавысы» (на ногайском языке)

16.10 Мультфильм
16.30 Новости Дагестана
16.50 Х/ф «Морской пост» 12+

РОССИЯ 1

5.00 «Утро России». (12+).
9.00 «Вести». (12+).
9.15 «Утро России». (12+).

ТВЦ

13.15 «Звезда на «Звезде» с А. Стриженовым. Николай Волуев. (6+).
14.00 Военные новости.

ПЕТЕРБУРГ - 5 КАНАЛ

7.55 М/ф: «Молодые яблоки», «Лягушка-путешественница», «Приключения поросенка Фунтика», «Аленький цветочек».

21.15 Т/с «След». «Ублюдки». (16+).
22.00 «Сейчас».
22.25 Т/с «След». «Красива до смерти». (16+).

12.10 Мелодрама «Два незнакомца». (16+).
15.10 Боевик «Инспектор в законе». (16+).

РГВК

07.00 Новости Дагестана
07.15 Передача на табасаранском языке «Мил» Суна баб. Мать-героиня 12+

00.30 Новости Дагестана
01.00 Передача на лезгинском языке
01.40 Т/с «Саванна»

НТВ

5.00 Т/с «Супруги». (16+).
6.00 «Новое утро».
9.00 «Зеркало для героя». (12+).

ЗВЕЗДА

6.00 Д/с «Русская императорская армия». (6+).
6.10 Х/ф «Полоса препятствий». (12+).

REN TV

5.00 Х/ф «Приключения солдата Ивана Чонкина». (16+).
6.00 «Документальный проект». (16+).

6.00 «Сейчас».
6.10 Утро на «5». (6+).
9.10 «Место происшествия».

12.10 Мелодрама «Два незнакомца». (16+).
15.10 Боевик «Инспектор в законе». (16+).

“Сувар” ансамблдин 20 йис

Милли культурадин ярж хуьзва!



Мердали ЖАЛИЛОВ

Ийкьара ам чиниз мугьманвиле атанвай. Дагьустан Республикадин милли политикадин министр **Татьяна ГАМАЛЕЯ** адав чи республикадинни Азербайжандин арада дуствилин алакьар мягькемарунай, халкьарин алакьарин сергьатар гьеншарунай, милли меденият хуьнай “Сувар” ансамблдин ганвай Гьурметдин грамота вахкана. И кардикай хабар чи газетдин алатай нумрада (“ЛГ”-дин 22-нумра) чапнава.

Чна мугьмандивай “Сувар” ансамблдин гьакьиндай са шумуд суалдиз жаваб гун тлалабна.

■ **Седакьет вах, чна Квез “Сувар” ансамблдин 20 йис тамам хьун ва, идахь галаз сад хьиз, чи республикади ганвай лишанлу награда мубаракзава. Кьуй гележегда Куь тиварцихь мадни члехи наградаяр, гьурметдин члехи тиварар атурай...**

Гила “Сувар” гьикл арадал гьайиди ятла, са шумуд гаф лагьанайтла кьанзавай.

- Чун тебрик авунай риклин сидкьиди сагьрай. Чи юбилей лезги вири районра, хуьрерани шегьерра милли сувар-агалкьун хьиз кьабулнава. Республикадин вири дережайрани чун кваз кьуни чи руьгь мадни шадарзава. Сагьрай вирибур.

“Сувар” чна чи дагьларин кьакьан гирвейрал экли хьанвай гьулчимен чураривни яйлахрив гьекьизава. Абурухь гьихьтин руьгь, гуьзелвал, хайи чилиз вафалувал аватла, гьахьтин руьгь чи милли культурадин хьун лазим я.

Сувун тахтайра чи халкьиди дегь девиррилай аламатдин руьгь авай суварарни тешкилдай. Месела, “Цуькверин сувар”, “Яйнахар”, “Чубанрин сувар” ва масабур гьа жергедай я. Мани, макьам, кьуьлер, сьенитарвилер, спортдин акьажунар, жуьреба-жуьре кьугьунар галачир суварар жедани? Амма хейлин хьсан крар, манияр, гьаваяр, кьуьлер алатай девирра чи несилривай квахьнава. И кар генани давам жезва. “Сувар” - яни чи ансамблди, вичел ахьтин тивар кьачуналди, инал чун рахазвай саки вири месэляяр гьал хьуниз куьмекзава.

Бакуда кардик квай лезги манийринни кьуьлерин “Сувар” ансамблди вичин 20 йис тамам хьун гьам ана, Азербайжан Республикада, гьам ина, Россиядин Федерациядани, лезгийяр яшамиз жезвай вири чкайра гьегьеншдиз кьейдзава. Гаф кватай чкадал лугьун, ансамблди неинки милли культура, адетар, члал, яшайиш виликди тухуниз кьуллугьзава, ада гьакл жуьреба-жуьре члаларин, динрин, адетрин, культурайрин векилар тир халкьарин арада дуствилин, сада-сад кьабулунин, руьгьдин жигьетдай жуьрэтлу, инсанар мергьяматлу авунин краризни гьакьикьи кьуватар артухарзава. Им, чи фикирдалди, тамам министерствойри ийидай хьтин дипломатвилинни кьаюмвилин кьвалах я. Амма “Сувархь” авайди хуси вичин такьатар, вичин са акьван екеди тушир коллектив я.

Адан кьиле чи девирдин лап жуьрэтлу, гьейратлу, вичихь мягькем диб ва кьаст авай, бажарагьлувилин жигьетдай вичиз Аллагьди алаз хьиз пай ганвай шаир, гьикаятчи, публицист, манидар, композитор, общественно-политический деятель, миллетдин бармак алай **Седакьет-ханум КЕРИМОВА**, Кьайинбеган руш ава.

парталар, бежекар кьачун гьевчи пуларалди жедач.

Сегьнеяр, залар жагьуринни гьакьван залан кар я. Фин-хтун тешкилун харжийрихь галаз алакьалу тушни?..

■ **Куьне госуарстводи ийидай хьтин кьвалах хивез кьачуна. Машаллагь!**

- Руьгь кузвай ксарин садвиле “Сувар” ансамбль арадал гьана, гила 20 йисавни агакьна!

■ **Сифтегьан гьетерин тиварар кьадачани?**

- Абур чахь хейлин хьанва. Сифте концерт кьиле тухвайди Бакудин радиоа лезги передачайрин диктор ва редактор Руслан Шейдаев хьана. Сифтегьан гьетер яз Агьмед Кьурбанован, Дильбер Агьаевдин, Магира Широновадин, Руслан Пирвердиеван, Лейла Жанмирзоевадин тиварар кьун кутугнава.

Абурун гуьгьуьнал алаз ансамблди бажарагьлубур гзаф кьватл хьана. Лезгийриз чахь чи милли руьгь, культура, члал, манияр, кьуьлер садалайин усал туширбур авайди чир хьана. Куьрелди, яргьалди муркьлади кьур вацл авахьай мисал хьана.

■ **Музыкадин жигьетдай гьихьтин устадри чеб кьалурна?**

- Завай инал сифте чи патав атай гитарист Тофик Мамедован, члалганчи Гьуьсейн Муслимован, далдамчи Гьабил Ибрагьимован, тарчи Мамед Агьасиеван тиварар кьаз жеда.

Хьсан агалкьунар чаз Азербайжандин госконсерватория акьалтларнавай Заур Мусаева (ада уstadвилелди лезги зуьрне, кфил, туьтек, кларнет яда), Азербайжандин искусствойрин госуниверситет акьалтларнавай Афгьан Жамалудинова (ада члалган яда, синтезатордал кьвалахда), манидарар тир Решад Ибрагьимова, Жамиля Заловади, Жавагьир Абдуловади, Роза Гьажим урадовади, Эльвина Гьейдаровади, масабур гьана. Решад Ибрагьимова Азербайжандин госконсерватория акьалтларнава. Жавагьир Абдулова Бакудин милли консерваториядин студентка я. Яни пешекарвилин жигьетдайни, тебии алакьунрайни за тиварар кьазвайбур халисан бажарагьар я.

■ **Кьуьлердайбур гьикл жагьурна? Гьикл гьазурзава?**

- Милли кьадим вахтарин гьаваярни, кьуьлерни чидайбур лап кьит хьанва. Амма чна жагьурзава гьа устадарни! Сифте чна кьуьлер чирунал (чи гадайриз ва рушариз) хореограф Санан Гьуьсейнли желбна. Ада кьуьлерин “Лезгинка” тивар алай мектеб кардик кутаз куьмек гана. Гуьгьуьнлай чна Азербайжандин кьуьлерин госансамблдин вете-

ран Зейнал Жигерханов желбна. Чи кьуьлердайбурун дестеяр кьалин, чебни кьетендиз гьевеслу хьана! Зейнал Жигерханова сегьнеда эцигай “Кьарияр”, “Дем”, “Чепелукьар”, “Дурная” кьуьлери неинки Азербайжандин, гьакл маса вилаятрин - Туьркиядин, Урусатдин тамашачиярни гьейранарна. Гила сегьнедал лап бажарагьлу кьуьлердайбур кьезва.

■ **Тиварар кьуртла жедачани?**

- Абур гзаф я. Сад-кьве тивар кьан: Айсель Рустамова, Сария Шагьмурадова, Асият Давудова, Фарид Шагьмурадов, Завир Нажафов, Магьмуд Багьишев ва цудралди масабур.

■ **“Сувар” ансамбль гзаф чкайра хьанвайдакай чаз хабар я. Амма гьина гьикл кьабулна?**

- Азербайжанда чун хьайи чкайрикой, чна концерт гайи члехи залрикой зун рахазвач. Кар алай вири члехи залра чна чи милли руьгь, культура, кьетенвилер члехи тамашачийриз раижна. Азербайжан Республикадин культурадинни спортдин министерстводи чаз “Халкьдин коллектив” лагьай лайихлу тивар гана.

Зи кьвалах Президент Ильгьам Алиеван Указдалди “Азербайжан Республикадин культурадин лайихлу работник” лагьай гьурметдин тивар гуналди кьейдна.

2009-йисуз чун Туьркияда анин телетамашачийрин тлалабуналди хьана. “Суваран” концертриз 37 уьлкведин телетамашачияр килигна. Чна лезги халкьдин кьадимли тарихдикай, медениятдикай, адетрикой вижевайдиз суьгьбетна, чун вужар ятла чирна.

“Сувар” вичин концертар Москвада (Кремлдин Дворецда, Москвадин миллетрин кьвале, Н.Е. Бауманан тиварунихь галай Куьлтурадин дворецда, “Останкино” телеканалдин “Корольский” залда), Ярославлда, Ахцегьа лезгийрин игитвилин эпос “Шарвилидин” суварик са шумудра гана. “Шарвилидин” суварин жюриди (суварин тешкилатдин кьил - И.М.Яралиев) чаз махсус премия гана.

Куьрелди, чахь агалкьунар авайди хьиз, фикирарни хейлин ава. Кьанзавайди кьуватар сад авун, сад-садахь галаз гьурметлу хьун, халкьдин руьгьдин кьуллугьда риклин сидкьиди акьвазун я. Члехи арифдар Сулеймана лагьайвал, жуван халкьдиз жуван намусдиз хьиз вафалу жен.

■ **Сагьрай куьн икьван метлебулу суьгьбетдай.**

- Куьнни сагьрай чаз ихьтин фикир гунай.

Шиклра: “Сувар” ансамблдин тарихдин шагьидар



